



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. XII. Ulterior Missionum descriptio.

[urn:nbn:de:hbz:466:1-47773](#)

sent in loco, qui inimicitias inter se gererent; quales ubi
rescierat, felici ferme successu animos ferocissimos ita re-
pentè mutabat, ut extet memoria, alicubi in Placentini
Ducatus montibus multorum inter se animos stabili pace
conciliasse; cùm tamen ob viginti facile cædes perpetra-
tas jam ad vindicandas novissimis exemplis injurias accin-
cti starent. Relictis ita in pace, magnóque affectis sola-
tio popularibus illis, eodem ordine & cantu ad stabilem
Missionis locum redibatur.

§. XII.

Ulterior Missionum descriptio.

POst meridiem deinde jam undique propinquabant sup-
plicantū agmina magnâ religione sacros hymnos con-
centium, crāntque ea semper numerosissima: et si
enim Parochorum aliqui animo aut abjectiore, aut divini
honoris minùs studio subducere se principio niterentur
ab adducendis ad hæc vitæ pascua ovibus suis, cùm dice-
rent; ne quidem inventuros se è suorum numero aliquem,
qui Crucis labarum ceteris præferret; ubi tamen subinde
ad rem veniebatur, adeò præter spem succedebant omnia,
ut desererentur negotia, greges, domus, quin & pagi
toti: unde semel accidit, ut, cùm prædones aliqui in pa-
gum venissent incolis planè vacum, auferre inde pro ar-
bitrio potuerint, quidquid placuerat. Multi se concu-
bià nocte, proripiebant è strato, ut necessariis negotiis
tempestivè defungerentur. Neque quidquam gratius aut
filiabus Parentes, aut uxoribus Mariti præstare poterant,
quàm si demissè flagitantes non impedirent ab adeundis
oxercitationibus piis Missionum; & nonnulli, qui quoti-

C 3

diano

diano labore vivebant, contenti erant carere mercede, respondente operi, quod facturi erant tempore, quo alii ad sacras has functiones accedebant. Constat etiam de multis Personis aut habitudinis delicatae, aut valetudinis afflictæ, quæ alias prodire non audebant ad Sacrum diebus ab opere feriatis in templo audiendum, eas totâ hebdomadâ his occasionibus solitas comitari supplicationes ductas per vias & longas, & oppidò incommodas. Imò in narratione typis data de Expeditionibus sacris à P. Paulo obitis in Montibus Ducatus Mutinensis anno 1672. legere est eventum memoriâ dignam, Sacerdotis, qui plurium annorum spatio tam dirè habebatur à molesto rhevmate, ut vix unquam quindecim, aut viginti abirent dies, quin acerbos admodum ejus effectus experiretur, intumescentibus cum diro dolore pedibus, maximè si tantillum madesierent, aut frigoris aliquid sentirent. Is tamen cùm sacræ Expeditionis occasione nudipes semper pluvio etiam celo incessisset, nec tunc, nec postea mali illius ulla reliquias expertus est. Nihilo minus admirabilitatis habet illud, quod Villæ, Diæcesis Lucensis oppido, cuidam Ordinum Structori militari accedit, qui ferè quot mensibus stomachi & sanguinis noxio ac redundant calore in una tibiarum sacro igne vehementer torquebatur. Cùm ita solitis doloribus male habetur, voluit & ipse nudis pedibus supplicantium agmen comitari, & remedio, tam naturâ suâ non apto ad curandum, quem æger patiebatur, morbum, omnis evanuit dolor praesens; & novem post mensibus testatus ipse est, ad eam usque horam nihil se amplius pristini mali sensisse. Nec defuerunt è diverso, qui pœnas luerent modicæ in DEUM pietatis, & æstimationis sacrarum earum functionum,

Hac Sacer- Non procul Castro Acquaro Domini aliqui operis suis permittere

mittere noluerunt, ut his functionibus adessent, & semen-
dotum spargendæ laborem interrumperent: sed eo anno ne nonnem
tantum quidem ex agris in horrea intulerunt, quod sequen-
tis anni sementi sufficeret. Alii quoque in tractu mariti-
mo Liguriæ invitati humaniter à Patre, perrexerunt fœ-
num, ut cœperant, secare; cùm obortus repente ventus
vehementissimus fœnum omne disiecit & abstulit. Atro-
cius punitus est juvenis quispiam, qui ne adesse sacris
functionibus cogeretur, consenso mulo aliò parabat abi-
re. Egressum siquidem oppidi portâ, mulus posteriores in
pedus erectus ex ephippio subjectos in lapides ita excussit,
ut miser malè contuso capite & ossibus, vel ingratias suis
redire in oppidum cogeretur.

§. XIII.

Quibus de rebus in Concionibus actum sit.

Subinde quotquot ita diversis è locis confluxerant, pa-
tentia in campo collecti pulchro ordine, seorsim viri à
feminis, assidebant: tum P. Joannes Petrus Pinamontius,
ardens P. Pauli socius, prodibat ad doctrinam Christianam
è loco aliquanto editiore tradendam, explicatis articulis
magis necessariis de recto Sacrae Confessionis & Commu-
nionis usu, de præcepto veniae inimicis dandæ, de fugien-
dis proximis peccandi occasionibus, aliisque hujusmodi,
al'atis ad rem affirmandam historiis, & methodo, tali Au-
ditorum generi tam apta, ut utile dulci permiscens non
doceret magis, quam mirè delectaret. Èa exercitatione
finita pergebat P. Petrus erudire teneram æratem in ele-
mentis fidei: alii autem in Templum se conferebant, ubi
proposito Eucharistico ferculo recitabatur parva Sacratis-
simorum